

# مختارات بيرم التونسى

تحقيق و اشراف  
رشدى صالح

[www.sama3y.net](http://www.sama3y.net)

مختارات بيرم التونسي



مهرجان القراءة للجميع ٩٦  
مكتبة الأسرة  
برعاية السيدة سوزان مبارك  
(روائع الأدب العربي)

مختارات بيرم التونسي  
رشدى صالح

الجهات المشتركة:  
جمعية الرعاية المتكاملة المركزية  
وزارة الثقافة  
وزارة الإعلام  
وزارة التعليم  
وزارة الحكم المحلى  
المجلس الأعلى للشباب والرياضة  
التنفيذ: هيئة الكتاب

لوحة الغلاف  
للفنان جمال قطب

تصميم الغلاف  
الانجاز الطباعى والفنى  
محمود الهندى

المشرف العام  
د. سمير سرحان

# مختارات بيرم التونسي

تحقيق و اشراف  
رشدى صالح

www.sama3y.net

## على سبيل التقدير . . .

لأن المعرفة أهم من الثروة وأهم من القوة فى عالمنا المعاصر وهى الركيزة الأساسية فى بناء المجتمعات لمواكبة عصر المعلومات.. من هنا كان مهرجان القراءة للجميع دلالة على الرغبة الطموحة فى تنمية عالم القراءة لدى الأسرة المصرية اطفالاً وشباباً ورجالاً ونساءً..

وكان صدور مكتبة الأسرة ضمن مهرجان القراءة للجميع منذ عام ١٩٩٤ إضافة بالغة الأهمية لهذا المهرجان كاضخم مشروع نشر لروائع الأدب العربى من أعمال فكرية وإبداعية وايضاً تراث الإنسانية الذى شكل مسيرة الحضارة الإنسانية مما يعتبر مواجهة حقيقية للأفكار المدمرة.

هكذا كانت مكتبة الأسرة نافذة مضيئة لشباب هذه الأمة على منافذ الثقافة الحقيقية فى الشرق والغرب وعلى ما أنتجته عبقرية هذه الأمة عبر مسيرتها التنويرية والحضارية..

إن مئات العناوين وملايين النسخ من أهم منابع الفكر والثقافة والإبداع التى تطرحها مكتبة الأسرة فى الأسواق بأسعار رمزية أثبتت التجربة أن الأيدى تتخاطفها وتنتظرها فى منافذ البيع ولدى باعة الصحف لهو مظهر حضارى رائع يشهد للمواطن المصرى بالجدية اللازمة والرغبة الأكيدة فى الإسهام فى ركب الحضارة الإنسانية على أن يأخذ مكانه اللائق بين الأمم فى عالم أصبحت السيادة فيه لمن يملك المعرفة وليس لمن يملك القوة.

د. سمير سرحان

## تصدير

هذه مجموعة مختارة من اشعار وأزجال ومواويل بيروم التونسي، اعتمدنا فيها على طبعة الهيئة المصرية العامة للكتاب في أجزاء متتالية، راعينا فيها الجمع بين النقد الاجتماعي والسياسي والسخرية والقصائد التي تمثل نزعتة الشعرية الأصيلة.

وبيروم التونسي هو شاعر العامية المصرية الأول بلا منازع، وكلنا يذكر رثاء صلاح جاهين له عندما توفى بيروم والتي يتصور فيها أن عروس الشعر تسأله عن المتوفى:

مين اللي مات يا شباب يا ابو دموع  
قالت عروس الشعر للموجوع  
مين اللي مات يا شباب ليكون أبويا  
انا قلت أبونا كلنا يا صبيبة!

ولم يبالغ صلاح جاهين، وربما كانت عبقرية بيروم هي التي جعلت أحمد شوقي أمير العشراء يخاف على الفصحى من بيروم نون سواه.

وبعد فهذه مختارات محدودة نرجو أن تحفز القارئ على الرجوع إلى دواوينه كلها والاستمتاع بفننه الراقى.

مكتبة الأسرة

## عرفات

جِئَايَةٌ عَلَى عَرَفَاتٍ  
تَرْتَلُّ السَّمْعَاتُ

مِنْ كُلِّ مَجْدٍ وَجِئَاةٍ  
وَمَحْتَاةٍ لِرِضَاةٍ

فِي سَالِفِ الْأَمَادِ  
فِي أَكْبَرِ الْأَعْيَادِ

مِنْ كُلِّ جِنْسٍ وَلَوْنٍ  
حَبِيبٌ يَلْقَى حَبِيبًا

لِأَكْلِ دِينٍ وَنِظَامٍ  
وَلَا الْعَجْمَ أَعْجَامًا

مَوَاكِبُ الْإِسْلَامِ  
فِي مَلْبَسِ الْإِحْرَامِ

مُتَجَرِّدِينَ لِسَلْهٍ  
مُتَضَرِّعِينَ لِسَعَاةٍ

يَا مَوْطِنِ الْأَجْدَادِ  
اسْتَقْبِلِ الْأَحْفَادِ

جِئَاةٍ وَفُودِ الْكُونِ  
وَمِنْ بَعِيدٍ وَقَرِيبِ

أَخُوَّةِ الْإِسْلَامِ  
الرُّومَ مَا هُمْ أَرْوَامُ

## يا مصرى أنت اللي هامينى (١)

من قبل ما أكتب أنا عارف القول ضايح  
والأجر بالتأكيد ذاهب حسب الشايح  
والشم حايجينى مسووجر من واد ضايح  
مهـ ما انكويت بالنار والزيت برضك فنان

يا مصرى وانت اللي هامينى من دون الكل  
هزيل ويحسبك الجاهل عيان بالسل  
من دى الكيوف اللي تصبر على كتر الذل  
ونمت والعالم قايق قوم بـص وطل  
شوف الشعوب واتقص ودوب وارجع إنسان

واللى المنى وبكانى إنت يا شـامى  
عـالاكل نازل طول عمـرك بارد حـامى  
وقلت لى لما نهـيتك مصرى حـرامى

(١) نشر بيوم هذا الزجل بعنوان الشرق



لحد ما الجزار خلأ جرحك دامي  
والله الخروف سايب معلوف ما يفوته جعان

والغريبي المسلم واخر أبو زرد فاشوك<sup>(١)</sup>  
لما انت قعدته فزع قال لي يلعن بو أبوك  
وانا اللي قصدي أشوف قيده يصبح مفكوك  
لقيته فرحان به راضي طيب مبروك  
خليك فقير بق البندير وكل التعبان

روح العراق واخر قول له كيف الأحوال  
لامتي تفضل يا اخينا بحرام وعقال  
ما تعرف الجاز يستعمل غير للمشعال  
الطم بقى وقول ويايه الجاز اموال  
واوعى المداس يفلت تحتاس وتقول لي امان

يا شروق فيك جو منور والفكر ضلام

(١) نذ الطربوش المغربي

وفيك حرارة يا خسارة وبرود أجسام  
فيك سبع مئيت مليون زله (١) لكن اغنام  
لا بالمسيح عرفوا مقامهم ولا بالإسلام  
هي الشمس بتخلي الروس كدا هو بدنجان

(١) الشخص في اللهجة اللبنانية الدرجة

## حاتجن يا ريت يا اخونا مارحتش لندن ولا باريز

حاتجن يا ريت يا اخونا مارحتش لندن ولا باريز  
دي بلاد تمدين ونضافة ونوق ولطافة وحاجة تغيط

ملاقيتس جدع متعافي، وحافي، وماشي يقشر خص  
ولاشحط مشمرخ افندي معاه عود خلفه ونازل مص  
ولالب اسمر وسوداني وحصص وانزل ياتقزقيز  
حاتجن يا ريت يا اخونا مارحتش لندن ولا باريز

ولا عركه في نص الليل دايره بالحيل وساحبها بوليس  
قدامها جدع متجرجر وشه معور قال دا عريس  
الخلق ماهي بتتجوز واسمعني احنا مفيش تمبيز  
حاتجن يا ريت يا اخونا مارحتش لندن ولا باريز

ولا واحده في وش الفجر تبرطع ماليه الدينا صوت  
قال ايه جوز خالتي ام احمد سلفة اخوها السيد مات

سبحانك ما أعظم شأنك والله الموت ذا مفيد ولذيذ  
حاتجن يا ريت يا اخونا ما رحتش لندن ولا باريز

ولا واحد طالع يجرى وواحد تانى بيـجـرى وراه  
ويقول ها مع حـصـلتك يابن اللى ابصر إيه عاملاه  
لا الشارع غيـط يا اخونا ولا احنا بداره ولا احنا معـيز  
حاتجن يا ريت يا اخونا ما رحتش لندن ولا باريز

ولا واحد بيبيع حاجة يقول بريال وتاخذها بصاغ  
يا اخونا دي حتى الإبره تاخذها بدوشة وقلب دماغ  
حلفان وعراك ومناهده ويمكن ضرب كفوف يا حفيظ  
حاتجن يا ريت يا اخونا ما رحتش لندن ولا باريز

ولا فيش ميت ألف صعيدى بتوع يا نصيب هاجمين ولا فيش  
ميت ألف معوض داعس جاي معاه صندوق ورنيش  
والله كرهت القهوة وحـرمت اقعد عالافاريز  
حاتجن يا ريت يا اخونا ما رحتش لندن ولا باريز

ولا شفقتش ده اللي بلاسه وده اللي بعمه وده بطريوش  
ملا بسنا ياناس تشكيله تعد اصحابها ما يتعدوش  
بول ناس كنا احسن منهم قول ومسيرنا يانن الله  
نبقى احسن منهم برضك بعد الدرس اللي اخدناه  
والله دا عيب نتهجى نروس يا اساتذته على التلاميذ  
حاتجن يا ريت يا اخونا مارحتش لفلن ولا باريز

## من كلمة هايفة

من هفوة أو كلمة هايفة نتحرق ونقوم  
نسب وندب، ويدور العراك بالشوم  
وكل محروق وله فرقة تقوم بهجوم

من قبل ما تعرف الظالم من المظلوم  
تبقى الشرارة حريقه والسحابة حسوم  
لا شركة تنجح، ولا عليك صفهاها يدوم

ومنين نشوف العدل ولا السفينة تقوم  
مايمنا فوق قلبها قاعدين لبعض خصوم  
تضحك علينا الحادى فى السما والبوم

## حرامى الرغيف

تسرق رَغيف يا حرامى وتحبس شهرين؟!  
لو كنت قاضى المدينة لأحبسك سنتين  
لأن ذنبك يا مجرم يُعتبر ثنين

المهنة رخصتت هالما سرقت رَغيف  
وسرقت من قبل ما تصيح وجيه وشريف  
لا انت حرامى تشرفنا ولا انت وجيه  
ويا ويله، ما أتعسك الواقف ما بين بيتين!

تهجم على السرقة ليه يا أجهل الجهال  
رئيس قلم حضرتك؟ ولا مدير أعمال!  
السرقة يا ابن الحلال صنعه وعايظه رجال

لهم فى فض المشااكل والأمور تصريف  
ومن وراهم ضهور جامده وجنس لطيف

يَهـونوا اللى جـرى ويلطفوا تلطفيف  
وفين تروح بالرغيف جنب الاكابر فين!

اصبر على نعمتك يمكن حتبقى وجيه  
وجيهه بمكتب وساعى بالجرس تناديه  
وسكرتير زى حالى لما تشخط فيه  
تزلزل الارض والعالم يقول يا لطيف  
والبنكنوت يتحشى لك حشوشى مظاريف  
تلقاها بالصدفة في جيبك بدون تكليف  
وتقول عجيبه يارب الظرف جاني منين !!



## دوسيهات الدواوين

في دي الدوسيهات أشفالك وأشغالي  
بقالها خمسين سنة في وضعها الحال  
فيها معاش أرملة قالت يا أبو عيالي  
وعرض حال شاب بانس م العمل خالي  
ومشكلة وقف قياتها خورشيد والوالى  
حاططها صاحبك وبيقولك ونا مالي  
دا حسنى بيه المدير العمام باعتها لي  
ولسه عايزالها إمضة مستشار عالي  
ولا حاتنزل على الأرشيف طوالي  
أدى النظام اللي خارب كل بيت مالي  
ومركب الشقر أمثالك وأمثالي

## المجاری

حارتنا زينة المجارى  
بفضل مجلس بلدنا  
وجبتنا حوض للسباحة  
وعند عرض المساحة  
وبلاعات كنا عنها  
في كل بلاعة منها  
فيها ابن آدم بيغطس  
قبل ابن آدم ما يغطس  
أما اللي طامس عنينا  
وقالوا جايبين ما كينة  
والهمة تصبح عظيمة  
كوم الحجارة جريمة  
مجلس بلدنا ياقاسي  
وردها وانت راسي

في وسطها نهر جارى  
وفضل فيض المجارى  
علم ولادنا الصراحة  
علم كبارنا الكبارى  
غافلين مانعرف مكانها  
يفرق عامود السوارى  
ويقب يشتهق ويعطس  
فيه الظلمية البخارى  
لبان يسود مدينة  
تصليحها في الورشة جارى  
على خرابة قديمة  
بيجى لها مأمور إدارى  
بزيادة خطف الكراسي  
خلالها مشروع تجارى

## قلم الإيرادات

القسط يام اليتامى سجله المقدار

على الغنى والفقير والدار وأهل الدار

قسم الإيرادات حط ختمه والمنقدر صار

ومعاون الحجز واقف يكتب الإنذار

## الحجز التنفيذي

جاء عزرائيل المحصل من وراء ملكين

(فرقس) و (خرقش) ومنهم تهريبي على فين

في الكانتو بيعي ملاميلك، وفي الدين

القرش قرشين وحطى مية الاتنين

## فى الطرىق

أرىع عىساكر جىابرة يفتحووا برلین  
ساحبین بتاعة حلاوه جاىه من شربین

شایله على كتر فها عیل عتیله وارمین  
والصاج على مخرها یرقص شمال ویمین

ایه الحکایة یابیه؟ جال... خالفت الجوانین؟  
إشمعنى ملیون حرامى فى البلد سىارحین

یمزعووا فى الجیبوب ویفتحووا الدکاکین؟  
اسأل وزیر الشئون والا أکلم مین!

## الواسطة لسه شغالة

الواسطة لسه شغالة      يا رجبـيـالـه  
والحال هياها الحال      في كل مكان

لَفَندى قال والاسطى      هـيـه الواسطة  
فى كل مركز ومحطة      خاتم سليمان

تشغلك وانت فراش      كـاتـبـمـعـاش  
وتدخلك للسینما بلاش      ويا الاخوان

إيه اللى خلى المعونة      تصـبـح فـيـنا  
شريعة فوق شرع نبينا      شرع القرآن

طماع وعايز فوق حقه      واسطة تزقـه  
لرئيس عمل فاتح بقة      زى التـعـبان

وَهُودَا الشَّيَاعِ  
عَاطِلُ كَسَلَانِ

وَالْحَقُّ بَيْنَ لَتْنَيْنِ ضَايِعِ  
مَدِيرِ يَبْلُطِجِ عَلَى صَايِعِ

وَحِيُوسْتَهُ كَبِيرُهُ  
وَخَلِيلِ شَعْبَانِ

وَمَدِيرِ شَرِيفِ حَيْرَتِهِ حِيرُهُ  
فِي مَطْلَبِ السُّتِ مَنِيرُهُ

وَالْبَلَدِيَّةِ  
وَعَلَى الْجِيرَانِ

يَعْنِي أَيْنَهُمُ الْجِهَادِيَّةِ  
يَجِيبُ مَخَالَفَتَهَا عَلَيْهِ

أَوْ مَتَّوْطِنِ  
زَيْ السُّرْطَانِ !!

دَاءٌ فِي الْكِنَانَةِ مَتَمَكِّنِ  
وَجَرِحِ ضَارِبِ وَمَعْفِنِ

## المجلس البلدى

قد اوقع القلب فى الأشجان والكد

هوى حبيب يسمى المجلس البلدى

ما شرد النوم عن جفنى القريح سوى

طيف الخيال خيال المجلس البلدى

إذا الرغيف اتى فالنصف آكله

والنصف أتركه للمجلس البلدى

وإن جلست فجيبى لست أتركه

خوف اللصوص وخوف المجلس البلدى

وما كسوت عيالى فى الشتاء ولا

فى الصيف إلا كسوت المجلس البلدى

كان امى بل الله تربتها

أوصت فقالت أخوك المجلس البلدى

أخشى الزواج فإن يوم الزواج أتى

يبقى عروسى صديقى المجلس البلدى

وربما وهب الرحمن لى ولدا

فى بطنها يدعيه المجلس البلدى

يا بائع الفجل بالمليم واحدة

كم للعيال وكم للمجلس البلدى ؟؟

[www.sama3y.net](http://www.sama3y.net)



## الاختلاسات

من كتر ما بتحشى فيه وتدفن

بسرقتك والحنوط عليه

وخلتك أم إبراهيم ظريفه

يادوب عشان تقبض الميه

بدل ماتهتم أو تنضف

من مال جناب أمك الماليه

وشغل اللبس فى الدفاتر

والجين للطفل والولييه

يا مضحك الإنجليز علينا

اعمل خلاصك يا نور عنيه

يا واد يافندى الديوان معفن

حايظبطوك عن قريب مكفن

توسطت عميتك حنيفه

لحد ما البيه عطاك وظيفه

جيت انت يا دولة الموظف

بديت لنا تختلس وتخطف

إلهف وشيل فى الفلوس يا شاطر

دا كل راجل شجاع، مخاطر

اسرق يا مجدع وخذ عنيانا

مادام دا عاجب أمك أمينه

اشوف عندهم اقول يا حامى  
وكل واحد عليه قضيه

فى مصر اربع تلاف محامى  
اتارى فيه مليونين حرامى

فى ذمتى انك عملت طيب  
سعيد يزيحك من التكيه

يا واد يافندى بالعقاب قريب  
لايد من يوم يجيك يشيب

اسرق وخليك تروح فى داهيه  
من خلقه المجرم الربيه

إن كنت تسرق دى حسبة واهيه  
تصبح بيوت الحكومه زاهيه

يقوم يراجع فى كل دفتر  
يستاهل الرفق والانىه

إن كان يحب الوزير يوفر  
يلاقى نص العدد واكثر

نرتاح من الصرف والبلاوى  
يبقى اللى يحكم تجيب رزيه

لو نزيط الخبص والرشاوى  
ولما قال يرفعوا الدعاوى

بتصرف له الفلوس بحرقه  
اللّه يخيب دى فنطزيه

داجيش يا عالم بالف فرقه  
للّه فى لله كمان وسرقه

## الغش والغلا

الاكل والشرب فى ايد اللومنجيه  
والطعامين اللى غلوا الملح والميه  
والغشاشين اللى فاقو ع الحراميه  
الشاي بالمفتشر مخلوط ملوخيه  
والبن فيه الشعير تسعين فى الميه  
والعشيش برمه وطينه يا مناخليه  
واللحم معروض بدون اختام رسميه  
والميه هيه اللبن ولا اللبن هيه  
افاعى متسبيه من غير رفاعيه  
ودنيا مترتبه ترتيب فلاتيه

## الْمَنْجَمُ

مَا عَمِرَى يَوْمَ لِلْمَنْجَمِ رَحْتَ أَسْتَقْبِيهِ  
اللى مَضَى أَعْرِفَهُ وَاللى حَضَرَ، أَنَا فِيهِ  
وَمَنْ كَرَّمَ رَبَّنَا مَسْتَقْبَلِي خَافِيهِ

لَوْ كُنَّا نَعْرِفُ نَهَايَةَ أَمْرِنَا يَا قَوْمِ  
كَمَا يَوْمَ نَشُوفُ السَّعَادَةَ وَالشُّقَا كَمَا يَوْمِ  
لَا يَطِيبُ لَنَا عَيْشٌ وَلَا تَهْنَأُ الْعَيْنُونَ بِالنُّومِ  
الشَّرِّ وَالْخَيْرِ، بَلَا مَنْجَمٍ، حَ نَسْتَوْفِيهِ

وَمِنْ يَا عَمِ الْمَنْجَمِ مَفْتَرَى نَصَابِ  
النَّاسِ رَاهِمِ حَيَارَى فَاشْتَفَلِ كَذَابِ  
وَالْكَذِبِ أَبْوَابِ وَنَعْرِفُ كُنَّا الْأَبْوَابِ

إِنْ قَالَ لِي عِنْدَكَ قَضِيَّةٌ، كُنَّا مُشَاكِلِينَ  
وَنْ قَالَ تَسَافِرُ قَرِيبًا، كُنَّا مَسَافِرِينَ

من نبيها را يحين لأخبره، والمخذ من  
لئن المنجم - ولو يصدق - في كل كتاب

ومن يروح للمنجم؟ الهمج لا غير  
الست نولت ، وغنام والدروقي بدير  
وعبيده افندي وزينهم واسماعين وخضير

## يا ابن البلد

جالب السواح من بره  
كلها افراح ومسره  
إيه فى الإصلاح يا حره  
واللى عدى وراح بالمره

فى شارع الاهرام ممصوصه  
بذرة الشمام مفعوصه  
فى الطريق العام مرصوصه  
الوسط والأقدام مخصصه!

ثلاث خرفان جزارها  
فى ميدان سليمان فى نهارها  
والضمان منظرها  
إوفستان يزفرها

يا مصر يالى جمالك

جاين يقضوا ليالى  
جاين يشوفوا جهودك  
ويشوفوا آثار تاريخك

يلاقوا لبشة قصب  
وبذرة المنجاة ، ويا  
وتين بشوكه ، قشوره  
بلاوى أنواع لكسر

يلاقوا البسكيت رابط  
يتلوى بيها ، ويحجل  
يكرك فى البتلو والبقر  
وكل ما يلمسه من بدلة

مشبوكتين فى هزار ومهارشه  
جَلْبَيْتَه وطار بِالْفُرْشَه  
وَبَيْتَه المقدار على فرشه  
كده يا باكار فى الورشة !

يا مخدم فى القهوه  
فى الشارع المزحوم على سهوه  
من وجوه وهدوم بالقنوه<sup>(١)</sup>  
بالشُضل والشوم والقوه

الضهر ناس قاعدين بيتغدوا  
والسُرْت<sup>(٢)</sup> والسردين يتمدوا  
والقوانين يتصدوا  
إصحوا يا نايمين ما يردوا!

مكتوب عليها اسمك

واتنين من البوهيجية  
واحد ورا التانى شمر  
تيجى فى عابر سبيل  
ولا باكار ينكسر وتبات

وانت يا قهوجى يا صَبَّوَه  
تدلق ماجور قهوتك  
تلغمط الناس جميعا  
واللى يعارضك تقابله

وع الرصيف النضيف  
وجنب قشر البصل  
لا بالنصيحة ولا بالزجر  
وتنادى ساعتين عليهم

يا ابن البلد دى البلد

(١) التنوه : بقايا البن فى إناء القهوه.  
(٢) السرت : هو الشعام الصغير الأخضر.

وزى ما تكون شوارعها      يكون رسـمك  
حافظ عليها كما      تحافظ على جسمك  
لا تشمت الناس      ولا تفرح عليك خصمك

[www.sama3y.net](http://www.sama3y.net)



## درس خصوصى

جـ حـ لـ فـ دـ خـ لـ مـ نـ شـ نـ دـ وـ يـ لـ بـ خـ لـ قـ تـ تـ هـ المـ كـ اـ بـ طـ زة  
فـ يـ بـ يـ تـ وـ لـ دـ ، اـ بـ وـ هـ مـ رـ يـ ضـ وـ aـ mـ طـ aـ يـ بـ كـ مـ لـ ظـ لـ ظـ هـ  
وـ بـ نـ تـ تـ aـ نـ يـ يـ ةـ فـ يـ aـ lـ بـ جـ aـ mـ eـ قـ aـ يـ mـ eـ قـ aـ eـ dـ eـ مـ قـ لـ وـ ظـ هـ  
وـ lـ aـ يـ dـ iـ xـ lـ lـ eـ aـ lـ gـ hـ dـ aـ yـ aـ xـ dـ lـ eـ m—n—eـ مـ n—eـ م—o—e—z—h—  
بُـفـتـيـكـ بـaـnـيـهـ yـa—h—l—t—r—a—m—x—s—o—o—s— عـ شـ a—n—eـ تـ طـ بـ x—hـ ؟

يـ حـ ضـ رـ صـ a—h—b—n—a— فـ yـ a—l—s—v—b—a—h— ، و—g—i—r—e— y—h—z—r— F—y— a—l—s—  
r—a—z—r— m—e—q—d— m—s—s—a—l—e— F—y— a—l—j—i—b—r— w—l— a—l—h—n—d—s—e—  
y—a— b—a—e—t— a—b—n—k— m—d—r—s—e— j—e—e—l—t— b—e—i—t—k— m—d—r—s—e—  
a—s—t—a—z—h—a— y—q—i—b—z— a—j—r—t—e— w—a—k—l— m—j—a—n—y— w—n—s—  
w—b—e—d— d—e— k—l—e— a—l—w—k— y—a—x—d— s—h—h—a—d—e— t—d—o—x—h—e— !!

## زواج أوربا

يتعرفوا الجوز في القهوة

وتانى يوم هيا وهوه

واكتب كتابنا يا مسجل

وفي المسا عندها ينقل

غرف بلاهم مفروشه

ينيلك يام غويشه

تحطى مهر ابك عشره

صالون ونوم وأودة سفره

وان كان عويشه المخطوبه

وتواعدى من طوبه لطوبه

ودعوة على غدوه وعشوه

يتوجهوا ع البلديه

بدون مقدم وماجل

او تنتقل عنده هيا

ورخيصة على قد العيشه

ويبتليكي برزیه

وعايزه فرش لكام حُجره

يا مولودين على طبايه

يخلى جوزها كركوبه

وكل يوم عايزه هديه

فبها نكد يكفى جنازه

مصرية بدل اليونانية

لو كنت أقول كل جوازه

لكنت أنظم إليـآزه<sup>(١)</sup>

www.sama3y.net

---

(١) الإلياذة : ملحمة شعرية للشاعر اليونانى القديم هوميروس.

## الفلاح

الأوله أه والتانيه أه والتالته أه  
الأوله عيرونى ، أن نا فلاح  
والتانيه أزرع وأقلع للى نام وارتاح  
والتالته أه اللى أحبه شط منى وراح

الأوله عيرونى إن نا فلاح - بدففيه<sup>(١)</sup>  
والتانيه أزرع وأقلع للى نام وارتاح - فى دهبيه  
والتالته أه اللى أحبه شط منى وراح - فى صبحيه

الأوله عيرونى إن نا فلاح بدففيه - وعيشى حاف  
والتانيه أزرع وأقلع للى نام وارتاح فى دهبيه - بميت مقداف  
والتالته أه اللى أحبه شط منى وراح فى صبحية - ما قال لى عواف

الأوله مش بإيدى دا قضا محتوم

(١) الدفية: عبادة من صوف خشن يلبسها الفلاحون.

والتانيه ومسيرها ناس تفرق وناس حاتعوم

والتالته ميت هم يرحل ألف هم يدوم

الاوله اه

والتانيه اه

والتالته اه

[www.sama3y.net](http://www.sama3y.net)

## الفن

الفن ياهل الطبيعة روح تخاطب روح  
بُلغها

والفن ياهل الحسبة عين تكلم عين  
بنيانه

والفن ياهل القلوب صـوت من سكوت الموت  
أحيها

يا طالب الفن ، افـتـح لك كـتـب فى الفن  
تقراها

يامطوِّك الشـعر ، ومـشـشـل بدلدولتين  
ومبلم

شوف النجوم فى السما متوهجة على فين  
واتعلم

وشوف بكا العين وضحك الفم فى الاتنين  
واتكلم

ورد الخدود فن فيه الفن يتغير  
طول القدود فن فيه العين تتحير  
وكل شئ في الحياة بالفن متسير  
يا طالب الفن

[www.sama3y.net](http://www.sama3y.net)

## عبادة الفن

يابو العيون<sup>(١)</sup>. ياللى أنا وانت خلاص فأسست  
والناس قالوا لى وقالوا لك يا عجوز هلوست  
راج الزمان اللى بيقولوا الموعظ فيه  
على المناير، وقامت توعظ الارتيسست !!

ارتيسست تكشف على المسرح بدن بنور  
وتقول آيات فى الهيدى والمعرفة والنور  
ينجح كلامها وترفع للسما الجمهور  
تعال نهرب، ونستخفى فى قعر التست

شهر الصيام والقرآن، أحبه بزيك  
والفشنى<sup>(٢)</sup>. فى الفجر بيأذن لنا سيك  
زى اللى حاصل فى أوروبا وأمريكا

(١) فضيلة الأستاذ الشيخ محمود أبو العيون من علماء الأزهر.

(٢) الشيخ طه الفشنى كان من مشهورى مرتلى القرآن الكريم.



فِي كُلِّ مَقْبَدٍ تَشْفُوهُ جَنْبِ الْقُسُوسِ بِيَانِيَسْتِ

حَيَّ الْحَسْبُ مِنَ النَّهَارِ دَهْ، حَيَّ لَاتِيَنِي

وَهَبِيَه تَصَلِي كَامِيَلِيَا، وَنَلْزُو، وَكُوِيَنِي

اللَّهِ أَكْبَرُ عَلَى الْمَادَّةِ تَنَادِيَنِي

وَنَا فِي شَيْشِ بِيَشِ مَعَاهِمِ لِلصَّبَاحِ طَلَمَسْتِ

الْفَنُّ - قَالُوا - رَوَايَةً، تَكْشِفُ الظَّالِمَاتِ

وَالْوَحْيِ بِشَرَفٍ وَغِنْوَةٍ، تَفْتَحُ السَّمَوَاتِ

كَذَا قَالُوا لَنَا الْأَنْعَمَةُ الْأَرْبَعَةُ الْبِهَوَاتِ

سَالِمٌ وَيُوسُفٌ وَأَنْوَرٌ<sup>(١)</sup>، وَالْوَادُ الرَّيَالِيَسْتِ

---

(١) أحمد سالم ويوسف وهبي وأنور وجدى

## يا هل المغنى دماغنا وجعنا

يا هل المغنى دماغنا وجعنا دقيقه سكوت لله  
دا حنا شبعنا كلام ماله معنى يا ليل ويا عين ويا اه

طلعت موضة غصون ويلابل شابط فيها حزين  
شاكى وياكى وقال مش عارف يشكى ويبكى لمن  
واللى جابت له الداء والكافيه، طرشه ماهش سامعاه  
يا هل المغنى دماغنا وجعنا دقيقه سكوت لله

ردى عليه يا طيور ببينادى، وارمى له الجتاحين  
وانت كمان يا بابور الوادى، قل له رايح على فين  
قل له اياك يرتاح يا بابوره، ويريحنا معاه  
يا هل المغنى دماغنا وجعنا دقيقه سكوت لله

كل جدع فرحان بشبابه يقول فى عنيه دموع

يا لى جلبتى شقاءه وعذابه، حلى لنا الموضوع  
طالع نازل يلقى عوازل واقفه بتستناه  
ياهل المغنى دعاغنا وجعنا بقيقه سكوت لله

حافضين عشره اتناشر كلمه، نقل من الجورنال  
شوق وحنين وامل وامانى وصد وتيه ودلال  
واللى اتعاد يتزاد ياخوانا وليل ونهار هُوَاه  
يا هل المغنى دعاغنا وجعنا بقيقه سكوت لله

## الفن في الشرق

الفن في الشرق منه قلبنا ممغص  
من كثر ما يبجل الأوخام والأوجاع  
اصبح هلاهيل لايسنها مدعى، بلبوص  
على المسارح، وع الشاشنه، وفي المنياع

من كل تيجان ملوك الفن فيها قصوص  
اللى سرقتها اشتهر، واللى بدعها ضاع  
على المسارح تروح تسعع كلام مرصوص  
عن الحكم والمواعظ... سقفاوا يارعا

والفيلم توليف معلّم من حنت مقصوص  
والربيع رقصات، وتنكيت التلات ارباع!!

أما النكت ماركة ... اشمعنى ! وفن البوص

تقول لها العَرَبِيُّه والجمعايده. هاع  
وفي الإذاعة اللي يطربنا، جـدع مـفـعـوص  
مـاعـرفـش لو كان بيـطرب ولا بيـقول مـاع!!  
مناصرة الفن من منهم ما هوش مقروص  
في العـرض، والمـال، والإخـلاق، والأوضـاع  
لهم في جلب المشاكل تكتيكات مخصص  
عيب يندكر في الجرايد، والورق ما يساع  
ومبدع الفن في وسط المناصرة يالوص  
ويسكنوه بالحيا، تربه في سابع قاع  
لو كنت يافن مجموع لك قانون وتصوص  
لكنت زى الكواكب في السمـاء

## الراديو

مِين كَان يظن الكَمَنجَةَ والقَانون والعَوْد  
يَسْهَرُوا الشَّرْق كُلَّهُ فِي لِيَالِي سَوْدَا  
كَانَتْ آلَاتُ لِلطَّرْبِ غَنَى عَلِيٍّ هَاهَا دَاوُد  
بَقَّتْ آلَاتُ يُضْرِبُ بِهَا قَفَا المَوْعِدَا!

لَوْ كَان عَلَى رَادِيو يَعْكُرُ كُنَّا بَرَشَشْ مَنَاه  
بِالشَّيْءِ مَعَ الأَحْمَرِّ وَعِشْنَا فِي أَمَانِ اللّٰه  
لَكُنْ دَا عِنْدَ الحَانَوْتِي وَالجَارِجُ بَلْقَاه  
وَفِ كُلِّ مَسْمُوطٍ وَمَقَالِي وَمَدْبَغُهُ مَوْجِدَا

ابنُ الجِيرَانِ يَحْتَضِرُ مَا بَيْنَ حَيَاهُ وَمَمَاتِ  
وَتَحْتَهُمْ قَهْوجِي فَسَاتِحَ عَشْرًا لِبِيَانِ  
تَذِيْعِ فِي زَفَّةِ عَرُوسَةٍ وَالزَّفَافِ بِصَاجَاتِ  
كَأَنَّهَا لَطْمٌ نَدَابَةٌ عَلَى المَفَقِ قَوْدَا!

مَشُّ كُلِّ سَاعَةٍ الْغُنَا يَسْتَظَرُّهُ الْإِنْسَانُ  
دَا لَمَّا يَبْقَى الْبِئْسَ يَدِ تَعْبَانٍ أَوْ حَزْنَانٍ  
عَبْدُهُ الْحَمَامُ وَلِي إِذَا غَنَى يَكُونُ سَرَطَانُ  
وَيَبْقَى زِي الْغُرَابِ الشَّيْخِ عَلَى مَحْمُودِ

مَا يَتَّهَمُونَ فِي الْحَشِيشِ لَا تَكْتَسِرُ الْجَانِينِ  
وَلَا تَعْتَبِرُوا عَالِ التَّلَامُذِهِ الَّتِي بَقُوا سَاقِطِينَ  
وَلَا عَلَى الشُّغَالِيْنَ إِنْ أَصَابَ حَوَا نَائِعِينَ  
مَنْ صَبَّحَهُمْ فِي عَوَاصِفِ الْمَسَا وَرَعُودِ!

أَنَا كُنْتُ وَقْتُ الْفِجَارَاتِ: أَفْرَحُ وَبَاتُ مَعْنُونَ  
مِنْ سَاعَةٍ أَوْ نُصْ سَاعَةٍ يَنْقَضِي فِي سَكُونِ  
بِلَوْقَتِ حَوْشِ الْقَرِيفَةِ هُوَذَا الْمَضْمُونِ  
لِلْيَ الْقَلَمِ صَنَعْتُهُ وَالطَّالِبِ الْمُنْكَرِ

مَا يَرْحَمُ الْمُبْتَلَى غَيْرَ رَبِّنَا الرَّحْمَنِ

اللّي الامـود في ايديهم هريانين في امان  
على شطوط الزمـالك ولا من الجـردان<sup>(١)</sup>  
او ينفخ الحفل زمارته: يروح في قيـود

لو كان من يرفع الراديو غرامته ريال  
ما كنا نحتاج لشروع اسمه ايه مرشال  
نضمن عمار البلد م الدنيا للشلال  
وتقوم مصانع ونبنى خزانات وسود!

---

(١) يقصد جاردين سيّتي.



## فوضى الميكروفونات

الجُمَّعَةُ لى فى حَارِثْنَا اَرْبَعَةَ حِجَاجُ  
والمِيكْرُوْفُونَاتُ طغيت، امواج على امواج  
والشَّيْخُ مِجَاهِدٌ مَغَطَّى الشَّيْخُ على فَرَّاجُ  
والشَّيْخُ حَسُونَةٌ، بَوَّظَ عَبْدُ رَبِّهِ سَرَّاجُ  
والكُلُّ ضَائِعِينَ فى زَيْطَةَ كُلِّهَا اِزْعَاجُ  
مَا تَفْهَمُ «النور» من «الإسراء» من المعراج (١)  
السفوضى فى كُلِّ حَاجَةٍ عِنْدْنَا مِنْهَا سَرَّاجُ  
حَتَّى السِّيَاسَةُ بَقَّتْ اَفْوَاجُ تَشْوُطُ اَفْوَاجُ  
هِيَّاجُ فى وقت السكوت وسكينه وقت هِيَّاجُ  
وقال بَنَّتْ عِلْمُ الْاِخْرَاجُ وَالْاِنتِجَاجُ  
انطوق يا تَوْفِيْقُ (٢) يَاخُوِيَا يَا لى بُرْجِكَ عَاجُ  
يا ريت لِنَا بُرْجُ زَيْكُ مِنْ صَفِيْعُ اَوْ صَاجُ!!

(١) سورة النور وسورة الإسراء وقصة المعراج التى تتصاعد لى ميكروفونات مختلفة.

(٢) الأستاذ توفيق الحكيم.

## الراديو وجيل الزمان ده

جيل دى الزمان العجيب، منصاب فى اعصابه  
من كل بياع نصب راديو على بابه  
بميكروفون ربنا العالى ما يرضى به  
يطلع زعميقه إلى الملكوت وسحابه  
ولكل منزل قريب وعود بخرابه  
لا الطفل فى دفتره يفهم، ولا كتابه  
ولا المريض ينقطع شكواه وعذابه  
ولا المصلى يروق باله لمحاربه  
من دوشة المطرب الفرحان بشبابه  
وينتقم ربنا م الراديو وصحابه!

## أهل الفنون كلها يلزمها قتربي

بعد الجلاء ترتدع وتلمها حبة  
أهل الفنون كلها يلزمها قتربي  
بلاش بقى باسمك إيه تفرج لنا الضبة  
غطى لحمك وبطنك... إنتى يا شـابـة

يا مخرجين ياللى اصبح فيلكم كساربه  
وشاب وارث وشلة ملمومين حواليه  
وبيه بيلعب قمار والست جنب البيه  
ان الاوان كل ده يـاـ خـلـق يـتـخـبـى

وياللى بتألفوا أفلام على أفلام  
فى الجمعه كام فيلم يا مؤلف تبعها بكام  
بقت صناعة الادب يا مؤلفين إجرام  
امريكا شبعت علينا ضحك وأوربا

وليسه يا عاشقٍ بِتَبْكِي لَمَّا بَتَغْنِي  
وتقولُ يا وعدِي وأنا من بدرى مِسْتَنِي  
يا لى مَلَكْتِي فوَادِي امْتِي ح تُحْنِي  
إلهي يا أهلَ المَحَبَّةِ تَبْتَلُوا بضرِبِه!!

## لوازم الست

اشياء كماليات  
بقت ضروريات

وف كل شهر جوزين  
يقعد يادوب شهرين

ودوج على درجات  
زي الخمس صلوات!

يلزم لنا بنوار  
تبارك الاكثار

منها انا مفقوع  
نص الايراد مدفوع

اهم شيء اليوم  
وفي زمن مشنوم

شراب بتسعين صاغ  
وايشارب حقه جنينه

واكلادور الـوان  
في اليوم خمس مرات

وف كل فيلم جديد  
وتاكسي والافلام

وللميلاد حفلات  
في بيتي او معزوم

للسَّيِّدِ مُشٌّ لِلسَّيِّدِ  
جَنِيَّةٌ وَشَيْءٌ فِي الْإِيدِ

وَاجْرَةٌ لِلْحَلَّاقِ  
يَقْبِضُهَا فِي الْأَسْبُوعِ

وَابْنِي كَسْرٌ قَدَّ إِيه  
وَيَسْكُلُ بِجَنِيَّةِ

وَاحْسِبِ لِعَبِّ أَطْفَالِ  
يَكْسِرُ وَابُورِ بَرِيَالِ

أَوْ رَادِيو أَوْ تَلِيْفُونِ  
فِي عَطْفَةِ الْبِجَامُونِ

وَبَيْتِ بَدُونِ «بِوَتَا جِاز»  
تَقُولُ عَلَيْهِ مَسْرُوقِ

لِلْعَيْشِ يَا دُوبِ وَالْفُولِ  
وَتَحَصَّلُ مَا تُطُولِ!

وَمَحَبَّتِي يَا نَاسِ  
وَالْفُولِ طَلَعَ عَلَى فَوْقِ

## أطفال الشوارع

حايפות اغسطس وسبت مبر، وجاي خريف  
يقصف فرورع الشجر، لما يهب عنيف  
والكون يلفه الظلام، والريح صفيرها مخيف  
وانتم يا اطفال حيارى من رصيف لرصيف

والشمس تطلع عليكم بالدفا والنور  
وتدوروا متفرقين زى القضا ما يدور  
او تمسوا متريطين آخر النهار فى طابور  
تجره كبشة عساكر بالجبال الليف

فى كل روضه الطفولة خدتها يتناس  
وانتم خدوكم على سفح التراب تنداس  
فايتاكم الناس همل - وانتم ولاد الناس  
تثربوا من غير معلم، او بدون مصاريف!

ومين يا اطفــــــــــــــــال يتكفّلُ لكم بطعامٍ  
استغفرُ اللهَ نسيتُ ... الدنيا فيها كرام  
في كل عيدٍ او مناسبةٍ يطعموا الأيتام  
من مطعم الشعب ينقح كل طفل رغبيف

من قبل ماتزخرفوا وتزينوا الميادين  
صونوا الطفولة اللي صانوها اللي مالهم دين  
والطفل على الأرض يطفى لعنة النياشين  
ويُقعه تمسحُ جمالك يامُ باندانتيف!



## باريس تقول قصروا الفساتين

باريس تقول قصروا الفساتين نقصرها

ترجع تقول طولوا، حـالا نجرجرها

وفي الشـتـا - قـودوا القمصان نقورها

وفي الصيف زدوا الأرواب نذرنا

وتقول باريس احلقوا الشنبات، نحلقها

وتقول لنا الدفن مـوده اليوم، نلرقها

وتقول لنا استعملوا الشورتات، نسبقها

وتقول كـمان اقلعوا الطرابيش، نكعورها

وتقول «فيينا» ارقصوا.. نحى ليالينا

وتقول «موناكو» العبوا.. نفتح نوادينا

وتقول «جلاسجوه» اشربوا.. نسكر لها طينه!

والخمرة قال مش حرام.. والجـوزه تكسرنا

عَمِيَّانُ وَعَايِزِينَ لَنَا مَجَانِينَ تَسْحَبْنَا  
وَكُوَيْخُوضُوا بِنَا الْأَوْحَالَ يَعْجَبْنَا  
مِنْ شَافٍ خَلَانَا أُمَّمٌ بِتَحَبٍ جَزَارَهَا

يَا رَبِّ تَسَلَّمَ بَارِسٌ وَتَصَلَّى وَتَصَلَّى  
وَتَكُونُ مَا تَوَدُّهَا سَبِيحًا.. وَلَا طَرَحَ نَكِي  
عَشْرَانُ مَا تَصْبِيحُ «سَعَادَةُ» «وَأَمَّ الْهِنَاءُ» وَ«نَيْلَى»  
غَيْرَ رَبِّنَا ذُو الْجَلَالِ مَا يُشَوِّشُ ضَوْفَرَهَا

## العامل المصرى

ليه امشى حافى، ونا منبُت مراكيبكم  
ليه فرشى عريان، ونا منجد مـراتبكم  
ليه بيتى خـريان ونا نجار دواليبكم  
هى كده قـسمتى؟  
الله يـحـاسـبكم!

ساكنين علالى العنتب، وناللى بانىها  
فارشين مفارش قصب، ناسج حواشيهها  
قائنين سواقى ذهب، ونا اللى ادور فيها  
يارب ماهوش حسد  
لكن بعـاتـبكم

من الصبحاح للمساء، والمطرقه فيدى  
صاير على دى الأساء! حتى نهار عيـدى

ابن السبيل انكسى، واسحب هرايىدى  
تتعروا من مشيىتى  
واخجل اخطابكم

ليه تهدمونى ونالى عـزكم بانى  
انا اللى فوق جـسمكم قطنى وكـتـانى  
عـيـلتى فى يوم بـقـنتى ما لـقـيتـش اـكـفـانى  
حـتى الـاسـبـيـه. ونا راحل وسـايـبكم

## يا أهل السودان يا عرب

يا أهل السودان! يا عرب! يا مسلمين الله!  
بيننا وبينكم نسب كل الأمم عرفناه  
لا انتم نسيتموه ولا نحن للابد نسيناه  
والنهر بيننا وبينكم ربنا اجراه  
واللذي شربنا من دمنا رويناه  
والذي ركب ظهركم فوق ظهرنا هو اه  
والذي وعدكم وعدنا بالنعيم والجاه  
وادي احنا وانتم عرايا محتاجين لغطاه  
لو كنا ننسى قرابتنا ونجري وراءه  
ح ينقرط شملنا ونقول ياندماه!

## الإنسان (١)

سـلام على الحـشـرات والوحـش والبـقـر  
ولا سـلام يـتلى على الإنـسـان  
فـي أسـفل السـافلـين هـويت يا بن آدم  
وطـأعت عـلـيين يا حـيـواناً  
مـفـيش حـمار يـقطع في جـرة زـمـيله  
ولا تـيـران تـفـنن على تـيـران  
ولا ضـبع يـتحـايـل بشـركـات مـسـاهمة  
ولا غـزال يـنـصب على الغـزالان  
ولا غـراب ديوث يـأجـر مـرأته  
ولا بومة عـاهـرة لـحـمـها عـريان  
ولا كـمان خـنزير عـامل مـرابـي  
يـربـط بـقـر شـه رقبـة الغـلابان  
والديب إذا اتعـشـى يـبـيـت في جـحره  
والسـبع لو يـشـبع يـقـول شـبعان

قول للمعيز يا معيز، بقيتم ملايكة  
تاكلوا زبالة، وتحلبوا البنان!  
غدير ابن آدم مين بينهب ما يشبع  
ويجد المدعروف والإحسان  
من كل واد جنرال معلق مـدالـيـة  
وكل نطع جانف تاجر سـيـاسـة  
يكسب بلا سـلـة ولا دكان  
النصابين كده ليه كـتـيـر في الزمان ده  
وليه بتكرمهم كـدـة يا زمان؟  
والطيبين قـاعـدين... زى عدتهم  
في معهد الأزهر وفي الفساتيكان  
في الشروق فرقة تقوم تهز العمائم  
وفي أوربا يرفعونوا صلابان  
سبب حبانك الأهم، سخطك علينا  
ظاهر في إجرامنا وفي الطغيان  
سأمننا الأكوان حنة لها ثمر  
راح الثمر واتسولعت نيران!!

## يا سلام على عيدنا (١)

فى ربوع الوادى البسّام      الفرحة هزّت أعلام  
والنيل اترتسم أنغام      يا سلام على عيدنا يا سلام

يا سلام على عيدنا يا سلام

بجهدنا ويعون الله      مقصودنا كلّه نلناه  
وعلمنا لما رفعتاه      ورينا الدنيا الأهرام

يا سلام على عيدنا يا سلام

همّتنا من فيض النيل      وارثينا من جيل عن جيل  
فى الشدّة لنا صبر جميل      وغرامنا بالحرب غرام

يا سلام على عيدنا يا سلام

عيدنا واشهد يا زمان      فى الدنيا ويكلّ لسان  
لاخ يعلى على مصر مكان      ولا يصعب على مصر مرام

يا سلام على عيدنا يا سلام

(١) من الواضح ان هذه القطعة كتبت فى تحية عيد النصر (٢٢ ديسمبر).



## صدفه

إزاي زما ان النور والحره  
صاف زما ان القنبله الثريه  
يا هل تيرا صدفه كده طبعيه  
ولا الصدف تخفى فى حكم الهيه

\*\*\*

شوف لما كنا فى زمنا ان الحشعه  
كان ربنا ناظر لنا بالرحمه  
ولما اصابنا مجرد لحد  
الاحمى يلزمها تيات مشويه

\*\*\*

سكتت على المنكر قسوس ومشايع  
واللى بيوعظونى حالى رايح  
واحده قالت لى والنبي انك بايخ  
والتانيه قالت يبتليك برزيه!

## الأرض

يا أرض ... مالك كرهتني كل سكّانك  
في يوم زلزل و يوم يجرفنا طوفانك  
و يوم عواصف، و يوم يشهد برّكانك  
راح فين بهي اكي، و حليمك فين، و حنّانك؟

\*\*\*

رحيمة ... فاضت لنا بالخير، أنهارك  
جميلة، متزوّقة في وشنّي، أزهارك  
طروية ... تعرّف لنا الأنغام أطيب ارك  
كريمة .. ما ينقطع نخلك ورمّانك

## صوت السلام

صوت السلام هو اللي ساد واللى حكم  
على الدخيل اللي اندحر واللى انهزم  
عدونا لما اعتدى. قدمنا ارواحنا فدا  
واسبت عجبنا من بأسنا كل الأمم

\*\*\*

ثلاث أمم يا بور سعيد متقدمة  
بدبابات وطيارات تملا السما  
الأولة: داخله البلاد مستعمرة  
والثانية: بعد الإنكسار متجبرة  
والثالثة: على العرب متأجرة  
هدموا البيوت قتلوا النفوس وإنما  
إحنا هدمنا عزمهم  
فى الشرق كله ومجدهم  
ثلاث دول جايبة العتار لكنهم

متقدموش فى بور سعيد ولا قدم

\*\*\*

اسم السلام هو اللى ساد واللى غلب  
ويدمنا الغالى على الارض انكتب

لا يتـــــــــــــــــمـــــــــــــــــحى من ارضنا

ولا يـــــــــــــــــزول واحنا هنا

متـــــــــــــــــمـــــــــــــــــسكين بحقنا

متـــــــــــــــــســـــــــــــــــلحين بعزنا

اعدانا شافوا البيينه

اللى بنوه فى ستين فى ساعة انهدم

\*\*\*

شافوا العدا فى مصر عزم ومقدره

شافوا النفوس تتباع والله اشترى

شافوا الهوان اتندموا عالى جرى

عادوا بالخذلان وبالعار وبالندم

\*\*\*

## إقطعوا إيد الحرامى

اقطعوا إيد الحرامى،  
ون سرق واحد طماطمه،  
الحرامى لما يسمع  
يشتغل، ويكون عصامى  
الحرامى تتركوه يسرق  
أو بصدفه تحبسوه ياكل  
من حبوبنا أو معانا  
ويصامى له المحامى  
عندكم يامسلمين  
حاتقول الأفرنج دى  
اللى يسكن فى واينا  
انجليزى أو انامى  
فى الحجاز ابن السعود  
تترمى من غير حرس فيها  
حدّ عارضه بحجه دامغه؟

بس نوبه - واحبسونى!  
ولأ طوبه اشنقونى  
بالسطور، يفزع، ويرجع  
اقطعوا إيد الحرامى  
ويهرب - فى الحواري  
ويشرب - سم هارى  
اللى فايضه من الخزانة!  
إقطعوا إيد الحرامى  
أحسن شريعة - طبقوها  
أحكام فظيعة - مايقولوها  
يرضى بالجارى واينا  
إقطعوا إيد الحرامى  
خلى الحفاير - والمداين  
الجواهر - والخزائن  
ولا قال له كلمه فارغه

إقطعوا إيد الحرامى  
مليون بندق - احسبوهم  
أنفع - وفروهم  
للى عاطله واللى عاطل  
اقطعوا إيد الحرامى  
فين أسودك - واقتدارك  
اسباب وجودك واشتهارك  
والمهايا والتحايف  
إقطعوا إيد الحرامى

من كلامهم أو كلامى  
ع البوليس والسجن كام  
وفروهم للسماذ والرى  
وافتحوا بيهم مشاغل  
يكفى ياناس التّعامى  
فين يا أزهر فين رجالك  
ياللى حكم الشرع من  
اكتفيتم بالوظايف  
والتشامخ والتسامى

## الزحام

شوف الجاموس لما يشرب من شطوط النيل  
الواحدة جنب اختها واقفين فى صف جميل  
شوف الغنم لما تطلع للمراعى رعيل  
لا الكباش يطفى ولا ينطح بقرنه فصيل  
شوف الطيور لما بتروح فى كل أصيل  
اسراب ومتنظمه راجعه الحصى بدليل  
وانظر وشوف البنى آدم بتروع دى الجسيل  
كل الامور عندهم بالزغمد والتشخيصيل  
قالوا اللى مايكونش فى الأول دا يبقى عويل  
ومن كده بالقليل فى كل زحمة قتيل  
والله البهايم ولا اولاد قابيل وهابيل

## الخمرة

يا بنت الحان ياملعونه	في كل كتاب
سابوكي ليه يامجنونه	ياوش خراب
كاساتك لما تشغلع	ما بين اثنين
واحد فيهم يقوم يقطع	لصاحبه عين
وعشاقك لهم ريحه	تغم البسال
ومشيتهم بتطويحه	يممين وشمال
وسحناتهم اذا شربوا	كلاب وقرد
واصواتهم اذا انطربوا	نباح ورعد
يجيب لك روم في كبايه	غلام البار
لها طعم السبّرتاية	ولدع النار



ففى اول كـ كـ اس

لكان كـ كـ اس

فلوسه حـ رام

على الإسـ لام

وتهرى الكبد والفشه

ولولا الفجل والكرشه

وفيهما يدفع المدمن

ونابر لو يموت مؤمن

www.sama3y.net

## الكارو

الكارو طول عمرها جالبه علينا العار  
والكل ساخطين عليها من كبار وصفار  
والكل عايزينها بتكسر في جورة نار  
لامتى ناضك ياكارو تجرى بالمشوار  
ولامتى نرقع عليك بالطبول والطار  
واللوم على اللي ركب ولا على الحمار  
صبحت طرود الخضار من قرنبيط وخيار  
يشياها لورى تسوقه كهربا ويخار  
ومين بعين الرضى ينظر لدى الأقدار  
الشعب ولأ الوزير ولا انت يا حكامدار (١)

(١) - الحكمدار لقب تركى لرئيس شرطة المدينة.

## القاهرة فى الصيف

يامصر فى الصيف نهارك للسقيم حمام - بيداوى  
مع العرق ياما تخرج م البدن اسقام - وبلاوى  
ناويين على اسكندرية؟ قلت هذا العام - مش ناوى  
خلى الشواطى لاسناذنا «رخاء» الرسام - وهالصاوى»

فى الليل نسيم القردة - يجمع الخلان - على البهلى  
والبدر ساطع على بشرف نغم كروان متجلى  
تعا اما اقول لك خبايا المنظر الفتان - وتقول لى

وانس هوى كليوباتره وهلوران» - وستبانلى  
يابو العيون شد حيك وامسك الكرياج - واتشمم  
وادخل على الحور عرايا فى حمى الامواج - واتنحدر  
وقول لهم عيب عليكم تكشفوا لنا العاج - والمرمر  
عقبال ماشوفكم عرايا فى لهب وهاج - فى يوم اغبر

## ضريح السيدة

ضريح حفيذة محمد سيد الاكبوان

زواره تنسى الهسوم وتفارق الاحزان

فيه جوهرة منوره متصوره إنسان

أخت الحسن والحسين السيدة زينب

وأقرب الناس بعهد الوحي والقرآن

وفي المقام الكريم محبتال ومحبتاله

ع الزائرين يلعبوا نسيوان ورجاله

يعرفهم المخبيرين فيكي يا بغاله (١)

ويدور عليهم نقيب يبيحث عن الحلوان (٢)

في كل يوم تتنشل كام محمص فدرج

وكل يوم تُضمَّ الشبَّاحه والشبَّاح

(١) حي البغاله هو الحي الذي فيه ضريح السيدة زينب رضى اله عنها.

(٢) الحلوان هو ما يعطى للصوص ليرد ما سرق إلى صاحبه.

واحده الحلق من وبنها باللطافه راح  
والثانيه ضاع من سكات من صدرها الكردان

والنصابين واللصوص قاعددين بشكل مريب  
في القبه ليلاً نهاراً، واسمهم محاسيب  
مترصدين بالمقالب ضد كل غريب  
والغرب حاضرين الوف من كافة البلدان

وفي المقام شيخ ظريف مركون على صندوق  
حالق شناه انجليزي والدماع مفروق  
كأنه شاه والا شاهبندر تجار في سوق  
يراقب الشغل ويحصل إراد الوان

وفي المقام الكريم يدخل هاموش وهاموش  
يحبوا أهل النبي لكن مايبصلوش  
ويحبوا أهل النبي لكن ما بيذكوش  
غير قرش للندر ياريتة للفقير غلبان

## المجلس البلدى

لا تنكروا ما رأيتم من ضنى جـسـدى  
ولا فـؤادى الذى أمـسـكته بيـدى  
بمحننى لم (يُصـيب) فى الناس من أحد  
قد أوقع القلب فى الأشـجان والكمـد  
هوى حبـيب يسـمى المجلس البلدى

كم حل والله هول سـاحق وثوى  
فما فزعت وكم ذئب الشـتات عوى  
فما أرقنت وزادتنى الخطوب قـوى  
ماشرد النوم عن جفنى القـريح سـوى  
طيف الخيال - خيال المجلس البلدى

احببته وفؤادى لا أحوله  
عن حبه وكفانى ما أؤمله

من وصله وكـمـا تـدرى عـواذله  
إذا الرغـفـا يـفـا تى فـالـنـصـف اكله  
والنصف أجـعـله لـا مـجـلس البـلـدى

إن جـاء مـهـدت خـدى مـوطـئا نـضـرا  
أوراـح أرسـلت قـلبى يـقـتـفى الأثـرا  
لم القـ عن هـجـره مـاء شـت مـصـطـبـرا  
أقـول حـتى لو ائى فى الطـرـيق أرى  
قـرـشـين: ذـا لى وذـا لى مـجـلس البـلـدى

فـقـدت من أـجـله دارى وريـتـها  
كـذاك مـشـوقـتى الأخرى وجـيرتـها  
لكن مـواثـيقـه أحـكمت عـروتـها  
كـأن أـمى بـلـة لله تـربـتـها  
أرـصت وقـالت: أخـوك المـجـلس البـلـدى

هذي المدينة قد أحصى برأبضها  
ويعلم الشاة إن مُدت وسالخبها  
فكيف ينكر نارا كان نافخبها  
ولم اتق طعم قدر كنت طاخبها  
إلا إذا ذاق قـ بلى المجلس البلدى

أحببت من لم أرد عن حبه بدلا  
قال الوشاة نراه عن هواك سـلا  
وأنت مازلت تهواه فقلت بلى  
وما كسوت عيالى فى الشتاء ولا  
فى الصيف إلا كسوت المجلس البلدى

افأق كل صريع فى الهوى وصحبا  
ورحت فى الحب مخمورا مساء ضحى  
إن غبت عن قدح اتبعتهها قدحا  
وإن أقمت صلاتى قلت مسفتتـحا



الله اكبر : باسم المجلس البلدى

ضلت أناس لغير الله قد سجدت  
والكل قد خففت أسرارهم وبدت  
والله يعلم ما نفسى وما عبدت  
استغفر الله حتى فى الصلاة غدت  
عبادتى نصيبتها للمجلس البلدى

سلوا الرسائل عن أهل الهوى قدما  
وكم برى الشوق فى تحبيرها قلما  
وخبرونى وكونوا خير من حكما  
هل دارت الرسل بين العاشقين كما  
تدور بينى وبين المجلس البلدى

أعجب لعشق له فن وهندسة  
جدران حبنى على قلبى مؤسسة

وتلك أرقامها أظهر مقسمة  
عندي قسائم أشواق مكسمة  
وكلها من حبيبي المجلس البلدي

كم بت في الليل وحدي والزمان شتتا  
بلا نساء ومثلي للنساء فتى  
ما قلت أف ولا قلت الزواج متى  
أخشي الزواج إذا يوم الزفاف أتى  
يبقى العروس حدي في المجلس البلدي

لا ابتعدني أبدا عن وحدتي بدلا  
وإن تزوجت وافقاني ومديدا  
لم انتظر منه يوما عفاة أبدا  
وربما وهب الرحمة من لى ولدا  
في بطنها يدعيه المجلس البلدي

إن قلت من حيثى مَك الرقاب لمن؟  
أجابنى: الأرض ملكى والسما إذا  
له النفوس وقد أحصى لها عدداً  
أمشى واكتم أنفاسى مخافة أن  
يعدها عامل فى المجلس البلدى

قد كنت فى المال والأولاد أشركه  
وقد قلانى لست أدركه  
فإنه رايت ظلاماً لست أسلكه  
فإن جلست فجيبى لست أتركه  
خوف اللصوص وخوف المجلس البلدى

هو الذى لم يدع فى الأرض شاردة  
كلا ولا رطبة فتيها وجامدة  
إلا وكانت على التحصيل شاهدة  
يابائع الفجل بالمليم واحدة

كم للمعيـال وكم للمعـجس البلدى

غـاز إذا صار العـبـسى جـنـدك

ويـرم الأمر عـسـفـا لن يعـدك

وإن رأيت على بابى مـحـصـلـك

بكى الصـفـى يريريد الخـبـز قلت له:

دعنا لنـدفع مـعـال المـجـلس البلدى

يبغى ويطلب أيضاً أنوابى فـأـتـزعـها

والروح أيضاً ولا أسطيع أمنعها

إذا الخطوب أحاطت كيف أدفعها

والأرض والناس و"تعمام أجتمعها

الكل ليست لغـيـر المـجـلس البلدى

لو يامن الناس لـيـلا ما يـؤرقـهم

لجاء صـبـحـا بشـير السـوء يـطـرقـهم

معان الحجز بالإتذار يرهم  
له من الجن أحلاف يفرهم  
ليجحفوا الناس باسم المجلس البلدى

هذا يقل المنايا فى حقيقيتها  
وذا ينفذها قسرا بعنته  
ثلاثة قداموا تحت إمرته  
من كل جلف قناه نصف جثته  
كانه صدىغ باب المجلس البلدى

عرفت بالسوء ماضيه وحاضره  
كالظل اوله ينتاش أخيره  
وطاول الهرم الأعلى وناقره  
مابال (زيلن) اعصى الله ناظره  
يردى البلاد ويعفى المجلس البلدى

لو سمعتنى الصخر والفلواز امضفه  
والريح امسكها والماء ادمغه  
على نكايتها قد زاد مبلغه  
إن الدعاء على الجبار ابلغه :  
يارب! سأت على المجلس البلدى.

## فلوس الست!

فلوس الست فلوس الست هيه اللي عشانها أنا اتجوزت!  
صاحبة اطيان تسعين فدان وإيراد خمسين ستين دكان

عمَلتني وكيل على التحصيل امضى الوصولات وأبيع محاصيل  
دي سعادته تظلي العقل يشته فلوس الست فلوس الست  
هيه اللي عشانها أنا اتجوزت!

جيبالي جهاز كله بوتاجاز كده عز مفيش ولا من دا جواز  
ويروح طباخ ويجينا طباخ والأكل حمام وسياخ وفراخ  
والقصعة أكلها وغيري بعته فلوس الست فلوس الست  
هيه اللي عشانها أنا اتجوزت!

فاتوا شهرين شهرين اتنين وازى معرشف صابنتا العين  
جري إيه يامدام نشرتي قوام تفوتيني ورا وتمشي لقدام!  
واسمى نستيه وتقولى يامست! فلوس الست فلوس الست

هيه اللي عشانها أنا اتجوزت!

مالت للغير واتقل الخير وجابت لي مراقب وسكرتير

له تروح وياه تلعب باكاراه      والقانى تروح «بارتيز» وياه  
ونا فيه بقت تشخط وتهت      وفلوس الست فلوس الست

هيه اللى عشانها أنا اتجوزت!

فلوس الست

كلمه يارجال ياهواة المال      فلوس الستات دى ويال فى ويال  
الراجل الحر الشهم المر      يختارها فقيره وينت حلال  
تعيش وياه ع العيش واللفت      فلوس الست فلوس الست

هيه اللى عشانها أنا اتجوزت!

فلوس الست



## الفجر فى باريس

الفجر نائم وأهلك يا باريس صاحبين  
معمرين الطريق داخلين على خارجين  
ومنورين الظلام راكبين على ماشيين  
بنات بتجربى وياما للبنات أشغال  
وعيال تروح المدارس فى الحقيقة رجال  
ورجال ولكن على كل الرجـال أبطال  
ولسه حامد وعيشة واسماعيل نايمين

\*\*\*

راحت على الشمس نومك والبك فى ظلام  
وقبل دى الشمس فبات ابن المدينة وقام  
الكون ينور بايده لما شمسك تنام  
فايتها للشرق تتطلع على الأطلال  
ينشف عليها الغسيل والطبل والغربال  
ويقوم على لدعها النائم سنه بطال

صـبـحت بـاريس في غنى عنك يا شمس الدين

\*\*\*

العلم والرقص نول في منهد السوربون  
أعجب عجيبة أشرفها لو ألف الكون  
منهد حكومي، وحقه يشبه الكركون  
لكن فرنسا لها نون الأمم أحوال  
«ليبران» في الاحتفال بيصافح الشيال  
وينت سوق الخضار ساكنة مع المارشال  
والبيوسته صندوقها واقف داخل الدكاكين

\*\*\*

جارتى «سوزان» الجميلة إلى تببيع الموز  
نازل عليها المطر من قُم «متر ليوز»  
اتبست للمطر أحسبها فازت فوز  
بالبعد عن مشيها في حارة الكيال  
ودرب شعلان وفيه الوحل للخال  
لكن «سوزان» اللي واقفه وقفه التمثال  
مجلس بلدها جعل رجلين سوزان سخنين

\*\*\*

شفت العيون والشفايف فى باريس بتقول:  
إحنا ملوك البرايا حكمتنا مقبول  
البدع والفن كله عندنا بنقول  
سادات، بنا فى السيادة تنضرب أمثال  
أحرار محرم علينا السجن والأغلال  
والفقير والذل ما لهم فى بلادنا مجال  
ويوم سباق «النجايب»<sup>(١)</sup> كلنا سابقين

\*\*\*

إن نقت اثنين صبا حاش «موتبارناس»  
حصى العذارى السكرى تحت كعب الكاس  
وجوه، مزلها جمالها عن وجوه الناس  
تجذب بنورها أمم فى الهند والشمال  
هى «فينوس» وعبيادها من ملوك المال  
وتبقى صالة «بديعة» واللى فيها مين؟

\*\*\*

---

(١) النجايب - الخيل الأصيلة.

## النسوان

في كل عام للورد اوان

بقدرتك نابتين ألوان

وانت اللي تعلم ونا اجهل

من دي الخدود اللي لا تدبل

ودي العيون اللي أشهدك

دي خلت الطاغى إنقادك

والشففتين اللي فالقهم

للابتسام ولا رازقهم

العبد يعشق بالقوة

كما جهنم؟ إيه هوه

يا مـعـنـيـنـي

لـا تـصـر

بـهـا تـعـاـجـب

مـيـن بـه يـكـفـر

غـلـب الـرـسـام

يـلـقـك اشـطـر

و قـمـيـص مـفـكـوك

إيـدك يـعـمـر

والنـص يـطـيـر

غـطـى الـمـرـمـر

حـارـت الـبـاب

و لا مـقـشـر

بـنـمـتـي انت الـلـي جـانـبـي

و يـالـلـي ذوقك يـعـجـبـني

لك صـنـعـه فـي العـيـن والحـاجـب

وتـقـول وجـود الـلـه واجـب

وك قـوالب فـي الأـجـسام

يـقلـدك بـحـجـر رخـام

يـاسـت يـام زـنـاق مـحـبـوك

حـطـى عـلـى الـقـلب المـشـبـوك

و يـام نص سـلايـه حـرير

عـلـى الـكـتـاف أنا عـقـلى صـغـير

و يـالـلـي سـاقـك يـسـوي رـقاب

فـي لـون حـقـيـقـتـه ان كان بـشـراب

وياللي خصرك له حركات

تقفل شركات

ويضع منها داود بركات

النبى شـسـديه

فوق الحزام مشعبط فيه

يبقى مـحـرد

لتحت همسه ياروحى خليه

قامطه المنديل

وياللي خايفه الفرق يميل

ليه متـشـر؟

طيب وصدرك بالهلاميل

أربعة سنتى

وياللى لابسك لى جواتتى

للى ما يظهـر

فى إيه خفـيتى وبينتى

ولا تسـالـشى

وياللى بالدراعات تمشى

عالمـشـمر

متشمرالى وما اقدرشى

على فين سايقه

ويام شمسـيه باعايقه

يا مرشقه الورده الاليقه عالمتشجر

هواكى بالياسمين هاف وحلق راقف

بمصافح العقد اللاف على دا المنحدر

يامسلمين الله يا حريم انا مالى غريم

غيركم اروح واياه فى جحيم يوم المحشر

الدنيا والنسوان وخلص والراجل لاص

لا طبل ينفع ولا بلاص لويتكسر

عليه قفا عايز الخية وخلقته ربيه

وجنته المشعرانيه حاجه تقشعر

ولا الشنب والدقن ياموه مهمما حلقوه

باين وعمايز لعن ابوه برضك اخضر

## أدخل جهنم ورا اللى جسمها من عاج

أبواب جهنم فى يونيو وتنفتح رسمى  
للى على الشط قالت، يا جمال جسمى  
يدخل جهنم وراها العجيبين ملايين  
وف كل فوج الزبانية تلتقى اسمى!

\*\*\*

ح ادخل جهنم ورا اللى جسمها من عاج  
النص مفتول ونصه مكتنز، رجراج  
تمثال من الحसन وسط البحر، والأمواج  
وفود تسلّم على التمثال وتسمى!

\*\*\*

وادخل جهنم ورا اللى جسمها معشوق  
وخصرها بالمايوه المختصر مخنوق  
الكورة يحدفها فى وجهى، ونا مفلوق  
تجيبنى وتقول: ناولنى الكورة يا عمى!

\*\*\*



وادخل جـهـنـم مع اللى اتشـعـلـت ع البار  
وتلـتـوى وتنـفـردلى ، فى أدب ووقـار  
خلتـنى أروح للـمـره مـراتى ، شـيـطان الدار  
اقـول لـها إـمـتى تـبـقى طـالـقـه زى امى!

\*\*\*

واقـول له يارب تحـرقـنى وناعـبـدك  
واللى عـشـق . واتعـشـق ، خـلـقـك ومن عندك  
أنا كنت فى الدنيا بتـفـرج على فنك  
قـال لى هناك صنـعـتى ، لكن هنا حـكـمى!

## أحب بنت البلد

أحب بنت البلد ، وأحب بهـدلى  
ومن بروج الأدب والفن نزلنى  
أحب عوجة ، لئيمه ، أشتكى لله  
من غلبى منها ، وتشكى غلبها منى!

\*\*\*

جاهله... إذا اتفـرجت فى جنينة الحصان  
تقول على النمر قطه والوعول خرفان!  
وتقول على البنك سيمى والبلوز فسـتان  
لكن يصـيبنى البكم لما تجـادلنى!

\*\*\*

جبانه... تصرخ من الفعل بعزم الصوت  
والبرص... يطلع عليها عزرائيل الموت  
لكن يفوت رمش عينها فى فؤادى فوت  
إن كنت ميت قتيل، هو الذى قاتلنى!

\*\*\*

راكبه على الكارو تتسامر مع الحمار  
والشمس فوق جسمها تشعل وتقدح نار  
ولا يوم ينتظرها ابن الذوات بيكار  
تقول له روح على امك وابقى قـابلنى!

\*\*\*

أحب بنت البلد من فرط خفتها  
هوليود على بدعها ما تجيش عصيتها  
ولا بنات أندره تتلف لفتها  
أدى اللي جاب لي البـلا... أدى اللي هابلنى!

## موال فى كل منزل

بالحق بالعقل مستارين وياهم  
لما حنيننا الرؤوس كنا مطايهم  
ولما رفعنا الرؤوس صرنا ضحاياهم  
فى كل منزل لهم واقف صلاح الدين  
يفتح مقابر لاعلام وادنام

صوت المدافع سبغ أيام يطربنا  
ويقول لنا يا عرب للنصر قمرينا  
وقبل ما يقول لنا ما تطمنه قلوبنا  
واليوم بأقوى عزيمه للميدان طالعين  
لما عرفنا عدانا من حبايبنا

فرتسا وانجلترا رايحين فخراره  
وانت اللي فاضله يا إسرائيل يا جاره

يا ألى علينا فى لىل ونهـار منداره  
غـاراتك حـ تـرد لك غـاره ورا غـاره

جند المظلات وهى فى السمـا شـابت  
ولما حطت حـمـولها عـ الرمال دابت  
قدامها جيش فى الميدان يضرب نشان ثابت  
يامـر اسـلـىن الصـحـف قـولوا لـجـرايدكم  
ثلاث دول كلها فى بورسـعـيد خـابت

ياما اتعسسه من يعيش فرحان بهندامه  
ويعشى زى العريس والحفـره قـدامه  
إيدن دخل ع القنال معـتـز بمقامه  
وعاد وكل العباد تتمنى إعـدامه

دول ثلاثه عن الاجرام مسـنـوله  
حاتبات تقاسى لىالى سـود وطويله  
بالاخر تـصار إحنا باتت عندنا بطوله

وعِزَّهُ كَانَتْ لِكُلِّ النَّاسِ مَجْهُولَةٌ

الشَّرْقَ وَالْمَغْرِبَ ضَجَّجُوا مِنْ بَنِي إِسْرَائِيلَ  
فِي السَّلَامِ عَامِلِينَ عَصَايِبَ تَنْهَبُ الْأَمْوَالَ  
وَفِي الصَّرِيبِ غَيْرَهُمُ الَّتِي يَشْرِبُ الْأَمْوَالَ  
شَعْرِبَ مَحْمَدٍ وَعَيْسَى أَصْبَحُوا نَاوِيِينَ  
لِكُلِّ صَهْبِيُونِي فَاجْرُ يَرْطُوهُ فِي شَقْوَالِ

قَالُوا حَبَايِبَ مَعَانَا وَاشْهَدُوا يَا نَاسَ  
لِمَا إِلَيْهِمْ يَضْرِبُونَ لَا حَرْجَ وَلَا بَاسَ  
وَإِنْ حُدِّدْنَا يَتَكَبَّرُ مِزَاجُ «دَالِاسِ»  
وَيَقُولُ يَا رُوسِيَا أَبْعِدِي وَأَنْتِ اخْتَشِي يَا صَبِيْنَ  
دِي إِسْرَائِيلَ لَسِيْهُ نُونُو خُدَّهَا يَتَبَّاسَ

لَوْ كَانَ شَالُومٌ أَنْتُمْ كَانُوا الْكَلَابُ هَنُوهُ  
وَيَا دُولَارَ وَالْجَنِيْبِيْهِ وَالطِّيْبَارَاتِ غَطُوهُ  
وَمَا يَخْفَقُ شَالُومٌ بِالْكَثِيْبِيْرِ يَلُومُوهُ

ويصبروا لما يتمكن في ملك أبوه  
والصبر لاشك طيب بس لو وجدوه

فرنسا وانجلترا رموا القنال الاثني  
وقالوا داخلين هنا نصلح ما بين طرفين  
قالوا بوليس دولي حاضر قلنا مرحبتين  
والبومعه واقف يوشوشها غراب البين  
ويقول لها انت وانا حنعمر الثقلين

الفقر يا أوروبا كان متخبي في غيبه  
جابه الوزير إيدن اللي ما اختشى العيبه  
وهو بالذات لا قوه ولا هيابه  
اتارى في كل أمه ابن الذوات خيبه

يامراسلين الصحف قولوا لجر ايدكم  
في بورسعيد الخرابه مجرمين تحكم  
تحكم في اخر ساعاتها وشئ على ايدكم

حتى الدوا والطبيب عن أهلها منعوه  
قولوا رأينا وحوش وممين يكذبكم؟!

ارض العرب وحدها فيها الدما جارية  
من بعد مصر الجريحه تنضرب سوريا  
ما تحسبوناش يا عالم حته من كوريا  
داحنا اللي بنحب عيسى وستنا ماريا

بعد الهزيمة حنسمع فى بوليتيكا  
يتبخت المجرمين عن أى تمحايكا  
لا الروسيا خايفين ولا الجباره امريكا  
متشردين بلطجيه فى بلاد الناس  
ومعطلين عندكم كام الف فى امريكا

البلطجيه الأرازل مين يقاضيهم  
فرنسا وانجلترا داخلين اراضيهم  
والمجرمين اليهود لازم نراضيهم



بمملكه عرضها بين الفرات والنيل  
لانها من سنين الحلبه ماضيهم

احنا على ارضنا الاندال بتتجاسر  
والحرب بتحاسب المأسور والأسر  
والباغي يوم الهزيمة يصبح الخاسر  
كتب السعيا والشرايع كلها بتقول:  
لو ينكسر صحن يدفع ديتة الكاسر

فرنسا ام المودات وانجلت را الظالمه  
خلوا اوريا تيات فى البرد والظلمه  
واوروبا طول عمرها بالمجرمين عالمه  
لصوص باساطيل تستعمرو بلاد الناس  
واوروبا غاضبه النظر ماتقول ولا كلمه

طول ما اليهود جنبنا قول ع السلام لا سلام  
يرتاحوا من ضرربنا ويحودوا ع الشام

وكل مـجـرم يهنيهم على الإجمـرام  
ويقول لهم شدوا حيلكم وازحفوا لقدام  
وابن العرب لما يشكى يبقى عيب وحرام

«فورا» عرفناها معناها الميعاد يتمط  
معناها بالإنجليزى بلطوا فى الخط  
وكل يوم تيجى فورا دبابات ع الشط  
بكره يقولوا الصباروخ من ارض روسيا نط  
وفى ميدان «بيكاديللى» و«سان ميشيل» انحط

من إسرائيل اليهود اتبررات جمعه  
ما عايش صمويل يقبلهم ولا شمله  
ونقول على كل حال يارب اهى مجامله  
مجامله بعد العرب ما اتسلحت بالميج  
واصبحت إسرائيل وسط العرب غله

قرينا كتب السما ، كتب السما بتقول

مصائب الكون أسبابها «شالوم» و«دراول»  
ويعلم الله بأيدهم كم نبي مقبول  
ولما تصعب لهم بين الأمم بول  
الأرض بالتي عليهن انتهي وتزول

بالاختصار في الكتابه واختصار القول  
فرنسا عارفه وعارف زيهها «جون بول»  
إن الحديد والمطاط والزنك والبيترو  
في الشرق والشرق أصعب من أعاديهم  
لو حركوا الشر تاني راح يشوفوا الهول

وعدونا بالانسحاب والوعيد بريطاني  
الكذب فيه الصريح والصدق براني  
في إسرائيل الأبالسة اتجمعوا تاني  
وهم في قبرص وليبيا بالسلاح واقفين  
يا أرض أصعب عليكي كل شئ فاني

اهل العراق في وزيرهم ليـ يحـتـاروا  
ويامـا اهل العراق عـ الجـبـارين ثاروا  
راجل عليه اليهـود بيـخـافوا ويـداروا  
يا اخـت مصر الشـقـيقـه قلدي اخواتك  
كـمـان عنـدنا الف «نـورى» كلهم غـاروا

قالوا لها يا اسرائيل ارض العرب خشى  
وكل كـام يوم كـمـه بالـدبـابات قـشى  
وان صـدت الـدبـابات بالـطـيـارات رشى  
ولما نصـرخ فى وشك صـرـخـتـين كـشى  
شـهـرين ثـلاثـة وعـودى وارجـعـى نشى

قالوا لها يا اسرائيل الدنيا حـبـاكى  
وبالـسـلاح فى السـمـما والارض سـانـداكى  
ماتـفـزعـيش من دمـوع الـلاجئ البـاكى  
جيش العرب كلهم يصـبـحـوا لاجـنـين  
حـفـويـخـك بـالكـلام وقـلـوبـنا وياكى

حبيبك يكرهك وياه  
وصديقك حبيبك ماتداخلش معاه  
شوف مين بيصدقك إسرائيل واخشاه  
الفعل غير الكلام والعقل بيقول لك  
اسمع كلام السياسى المحترف، وانسأه

وقالوا يا إسرائيل فوق العرب خطى  
ومن العرب اقبين إلى أرض الهرم نطى  
لا تخجل من كلام الناس ولا توطى  
ولما ترجع لشعبك وملاكة سليمان  
يعلام مقامك وفوق الروس تنحطى

وقالوا يا إسرائيل فوق العرب هبى  
ومدام بلاد مسلمين.. ع المسلمين نبى  
فى كل يوم يوصلك أسطول متعبى  
بقاذفات الجحيم والبنمب والصواريخ

لحد ما تنهض ع الأرض وتشبهى

وقالوا يا إسرائيل دبح العرب جايز

خسب المزاج ادبحى اطفال وعجايز

الذنياها يصه وسهم المعتدين فايز

وان كان على اللاجئين اهل المروه كثير

بيعطوا للاجئين نيين شلنات وبراييز

وقالوا يا إسرائيل فوق العرب دوسى

صنارى فلوسهم وقولى اصلها فلوسى

وبالخناجر فى قلب الحمامات حوشى

ومجلس الامن لما يمنعك ع ودى

ولا يهـمك نذير صـينى ولا روسى

وقالوا يا إسرائيل ملكك مالهم حدود

والمسلمين اللى حولك من جيرانك دود

اما السلاح تحت امرك بالبلاش موجود

لو تتبعى المسلمىن واحدا ورا الثانى  
مين اللى يحكم عليكى والاحببه شهود

وتسالوا يا اسرائيل احنا اللى باعستينك  
واحنا اللى بالمال والصـوارىخ بنعـينك  
ونغمض العين عنك واحنا شـايفـينك  
فى المسلمىن ادبى واحدا ورا الثانى  
وكل ما يصـرخـوا سنى سكاكـينك

## فهرس

الموضوع	رثم الصفحة
- تصدير	٥
- عرفات	٦
- يامصرى أنت اللى هاممنى	٧
- جاتجن ياريت يا أخوانا مارحتش لندن ولا باريز	١٠
- من كلمة هايفه	١٣
- حرامى الرغيف	١٤
- نوسيهات الدواوين	١٦
- المجارى	١٧
- قلم الايرادات	١٨
- الحجز التنفيذى	١٨
- فى الطريق	١٩
- الواسطة لسه شغالة	٢٠
- المجلس البلدى	٢٢
- الاختلاسات	٢٤
- الغش والغلا	٢٦
- المنجم	٢٧
- يابن البلد	٢٩
- درس خصوصى	٣٢
- زواج اوريا	٣٣
- الفلاح	٣٥
- الفن	٣٧
- عيادة الفن	٣٩
- ياهل المغنى دماغنا وجعنا	٤١
- الفن فى الشرق	٤٣



- ٤٥ ..... الرانيو -
- ٤٨ ..... فوضى الميكروفونات -
- ٤٩ ..... الراديو وجيل الزمان ده -
- ٥٠ ..... أهل الفنون يلزمها تقرى -
- ٥٢ ..... لوازم الست -
- ٥٤ ..... اطفال الشوارع -
- ٥٦ ..... باريس تقول قصروا الفساتين -
- ٥٨ ..... العامل المصرى -
- ٦٠ ..... يا أهل السودان يا عرب -
- ٦١ ..... الإنسان -
- ٦٣ ..... ياسلام على عيدنا -
- ٦٤ ..... صدفه -
- ٦٥ ..... الأرض -
- ٦٦ ..... صوت السلام -
- ٦٨ ..... إقطعوا إيد الحرامى -
- ٧٠ ..... الزحام -
- ٧١ ..... الخمرة -
- ٧٣ ..... الكارو -
- ٧٤ ..... القاهرة فى الصيف -
- ٧٥ ..... ضريح السيدة -
- ٧٧ ..... المجلس البلدى -
- ٨٦ ..... فلوس الست -
- ٨٨ ..... الفجر فى باريس -
- ٩١ ..... النسوان -
- ٩٥ ..... أدخل جهنم ورا اللى جسمها من عاج -
- ٩٧ ..... أحب بنت البلد -
- ٩٩ ..... موال فى كل منزل -

رقم الإيداع ٥٧٤٧ / ٩٦

I. S. B. N 977-01-4809-1